



齊山先生文集序

予平陽素稱文獻之邦騷人

墨客義士忠臣無代無之宋

淳祐壬寅挺生林先生諱景

熙字德陽號齊山居州治後

白石巷別墅在城西趙奧馬

齊山先生文集序



鞍山之麓予今所卜築即其
故址也咸淳辛未先生上舍
釋褐授泉州教官歷禮部架
閣轉從政郎適元勝宋遂不
復仕恒與同舍生邑人鄭樸
翁輩私相嗟悼以不能死國

難報君恩爲愧丙子元兵破
杭有楊總統盡發越上宋諸
陵墓棄其遺骸于草莽中人
莫敢收先生在越痛憤不已
乃與樸翁佯爲采藥偕行陵
上以草囊拾之盛以二函託

言佛經理埋瘞越山植冬青樹
以志之而哭之以詩既而返
于故鄉隱居別墅研窮經史
摘繪文章教授學徒其忠義
之懷每形諸言辭間道德之
士聞其風者罔不敬仰識與

不識咸稱霽山先生時爲會
稽王監簿延致與尋歲晏之
盟於是往來吳越殆廿餘年
戊申歲歸自武林感疾迨庚
戌冬卒于家享年六十有九
所著文十卷曰白石藁詩六

卷曰白石樵唱一皆本於忠
義之所發越傳誦江湖膾炙
人口歷歲滋久頗多散亡乃
一者致政大尹葉公衡出示先
生白石樵唱始末具全予又
於元音中得先生讀文山集

一詩仍檢閱家藏舊書僅得
先生白石藁中記序賦銘而
下凡若干篇其他製作迄無
尋究予懼歲月愈久散亡愈
多輒敢僭踰正其亥豕釐爲
五卷總爲一帙題曰霽山先

生文集將鈔諸梓以廣其傳
俾人得以誦習詳玩庶幾先
生忠肝義膽耿耿不磨也竊
嘗思之予不幸而生于先生
百年之後弗克覩其容儀親
炙其教誨猶幸而嗣居先生

藏脩之地得以仰其高節覽
其遺文此於逸藁予不得不
爲先生輯也若其詩句之高
古文辭之典麗自有諸先正
之首引暨夫知言者之評論
有不待予贅辭姑序其出處

作述大畧云昔

大明天順七年龍集癸未春

三月下澣穀旦

賜進士文林郎廣東道監察御

史後學呂洪書

霽山先生文集卷之一

白石樵唱首引

序白石樵唱

霽山林德陽前釋褐進士也壯年英華果銳之氣無所
於託如水發洪源木梗石捍而借詩以鳴之有一編屬
朋友胡汲古轉致石峽山中請予評予惟詩所以道情
性蓋直洩其中之蘊而無待乎外者然而騷人文士之
得意處每曰神助殆思與景遇而草木禽魚皆吾情性
所寄以發唐張燕公守岳陽而詩益悽惋得江山助也
德陽自鴈蕩游會稽禹窆荒寒雲愁木愴凭高西望而
錢塘潮汐之吞吐吳山烟霏之舒卷紛感互發凡以寫

吾鬱陶者何限故其詩悽惋而悠以博微以章宛然六
義之遺音非湖海嘯吟風月而已於詩家門戶當放一
頭因書卷端以歸蛟峯居士方逢辰君錫序

題白石樵唱

先生諱景熙字德陽姓林氏溫之平陽人也宋咸淳辛
未太學釋褐授泉州教官歷禮部架閣轉從政郎時是
事殊遂不復仕乃棲隱故山以詩書自娛既而會稽王
監簿移書屈致與尋歲晏之盟於是先生往來吳越間
殆二十餘年戊申歲歸自武林感疾迨庚戌冬終于家
時年六十有九先生少工舉業有場屋聲時文既廢倡
為古文發為騷章往往尤臻其奧晚年所著雜文十卷

外有詩六卷題曰白石樵唱行于世愚嘗熟玩其詩大
抵皆託物比興而所以明出處繫人倫感世變而懷舊
俗者至矣卷首數篇尤為親切其他題詠酬倡雖有不
同然而其意亦未嘗不行乎其間讀者倘以是求之則
庶乎不失其本領而有以知其詩之不苟作也至於造
語之妙用字之精法度之整而嚴格力之清而健又未
易以名言今輒為之註釋云崑陽後學章祖程和父題

註白石樵唱

詩自三百篇楚詞以降作者不知幾人求其關國家之
盛衰係風教之得失而有合乎六義之旨者殆寥寥乎其
鮮聞也惟陶淵明以義熙為心杜子美以天寶興感為

得詩人忠愛遺意霽山先生之詩蓋祖陶而宗杜者也
熟味之可見矣抑嘗思之詩固出於人之情性然非發
之以句法之清英諧之以音節之和暢融之以趣味之
悠遠則亦枯淡淺促而不能以入妙寧保其不使人玩
之易厭索之而易竭也哉善乎先生之為詩也本義理
以為元氣假景物以為形質濯冰雪以為精神剪烟雲
以為態度朱弦疏越而有遺音大羹玄酒而有遺味其
真詩家之雄傑歟予嘗伏讀而竊愛之沈潛反復蓋亦
有年於是童課之暇不揆僭踰爰輯舊聞為下註脚間
有見其意之所指義之所在亦輒為之發揮而不敢隱
焉第曾無積學家無儲書其間援据尚有未盡明者姑
冀講問以備其全一日予安儀中二友生請曰夫註草
堂詩者數百家註雪堂詩者亦不下百餘家迄今猶不
能無遺憾而況以一人之見乎蓋缺之以俟後賢予嘉
其言因出此彙俾錄以示初學固未敢傳諸作者惟博
雅君子訂其舛訛補其疏略使霽翁之詩久而不墜則
於風雅亦未必無少助云元統甲戌暢月後學章祖程
謹書

書白石樵唱註

吾鄉霽山林先生前朝遺老履和蹈貞晚年英氣詘折
為詩其立言命意欲厲風節蓋彷彿草堂翁忠愛之餘
思也今宜竹章君和父獨喜其詩為之箋註誠以其所

作有關世教民彝非特尚其融液句度之清妍亦非自
示其掇擘故實之贍詳而已昔李善輯註文選援据該
博而無其義子邕能補其缺章君所註辭義兼得而其
學識之正尤有可觀者曩年君嘗與予翰札辨論河洛
圖書往復數四予固已知其學有根柢別後久客湖海
齒載侵尋殫與年少爭一資半級于端藉澤笏中每用
自愧念欲東歸與君行輩追逐雲泉襄羊文字之樂何
可得也重念鄉山寥沈文物睽孤章君乃獨能慨慕前
脩之流風發揮遺藁之芳韻必使光塵遠暢有永以傳
等而上之復將有大著述以迪後雋余又當拭目云至
元元年歲在乙亥十月一日鄭僖書于赤霞城

白石樵唱

南山有

孤樹

先生之居南對崑岩上有老松常有鳥集故因之成詩以寓出處之意

南山有孤樹寒鳥夜遠之
鳥秋啼眇眇風撓無寧
投託身未得所振羽將
逝茲高飛
霜露卑飛觸茅茨
乾坤豈不容顧影空自
疑徘徊向殘月欲墮已復支

商婦吟

寓思君之意

良人滄海上孤帆渺何之
十年音信隔安否不得知
長憶相送處缺月隨我歸
月缺有圓夜人去無回期
倘終有白首寧怨遲
寒菴苦相吊青燈鑿孤幃
妾身不出幃妾夢萬里馳

故衣

明思親之意

篋中出故衣絡緯聲四壁昔年慈母線一一手所歷眷眷
遊子心惻惻虛堂夕逝水不返流孤雲杳無迹空令攬衣
人一線淚一滴衣弊柰有時母恩無窮期終憐寸草心何
以報春暉朝寒縱砭骨念此不忍披且復返所藏永寄霜
露思

秦吉了

邵氏聞見錄瀘南有畜秦吉了者能作人語夷酋欲以錢十萬買之其人告以貧欲賣之秦吉了曰我漢禽也不願入蠻夷山不食而死

爾禽畜於人性巧作人語家貧售千金寧死不離主桓桓

李將軍甘作單于鬼

徐供奉

幕府宴聞錄唐昭宗播遷隨駕伎藝止有弄猴人猴頗馴能隨班起居昭宗賜之緋袍號徐供奉朱溫篡位取此猴殿左下起居猴望殿陛見溫徑趨其所奮擊溫令左右殺之

緋衣受天恩日瞻唐殿駕朱三爾何為欲使兩膝下皤皤

長樂老闕代如傳舍

詩意以為秦吉了孫供奉二物特禽獸耳尚知服節死義不忍事非其主而李馮二公以堂堂將相一則偷生異域一則濫祿累朝是誠何心哉

古松

獨占寬閑地不知搖落天山林猶古色風雪自窮年龜伏

靈根壽禽巢絕頂仙棟梁非所屑幾見海成田

崑崙

崑崙山在州治西南雄於眾山為州城之表巨岩冠其顛俗名古岩山有孔穴空洞可容數十人世稱崑崙陽蓋指此山

神斧何年鑿南山片石盤玉藏仙筍古翠落縣門寒老木

天邊瘦歸雲雨外殘市塵吹不到朝夕靜相看

鄭宗仁會宿山中

宗仁樸翁也號初心平陽焦下人太孳釋褐出身仕至國子正

挑燈懷舊夢移席近春泉共話忽深夜相看非少年斗垂
天末樹葬出雨餘田亦有茅簷下飯牛人未眠

桐角

曰家無律呂聲寄始華桐碧卷春風老清吹野水空客心
寒食後牛背夕陽中不惹梅花恨年年送落紅

雲門即事

雲門山在會稽南三十一里今名雍熙

晁愛林中過客稀坐分片石澹忘歸僧閑時與雲來往鶴
老不知城是非瀟洒山光秋入畫清寒花氣曉侵衣一溪
截斷紅塵影西有任公舊釣磯

獨夜

客鬢雙蓬老拾遺一燈明滅酒醒時百年回首忽成夢萬

竅有聲皆是詩殘夜月枝烏未穩故鄉水草鴈多飢袂衣
初試新霜冷欲折黃花寄所思

舜廟

在會稽東南一百里

聲斷薰絃萬壑幽三千年事水空流袞衣剝落星辰古野
廟淒涼庶豕秋孝友風微惟故井神明胄冷尚荒州九疑
回首孤雲遠老泪斑斑楚竹愁

寄葛秋岩

吳地繁華半劫灰故山秋遠夢頻回琵琶亭老春風棹桑
落洲寒夜雨杯歲月悠悠人幾換關河渺渺鴈空來酒酣
欲寄登臨眼黃葉斜陽滿廢臺

寄林編修

名平陽字能

大雅凋零尚此翁醉鄉一笑寄無功衣冠洛社浮雲散弓
劍橋山落照空東曾有書藏古壁西湖無樹挽春風巾車
莫過青華北城角吹愁送暮鴻

答周以農平陽陸源人

一燈細語煮茶香雲影霏霏滿石床萬里夢魂形獨在十
年詩力鬢俱蒼山空絡緯悲秋雨水落蕪葭足夜霜未會
漆園觀物意酒闌猶發次公狂

謁嚴子陵祠

客星謫下桐江湄傲睨烟雨何年歸空遺清氣滿林壑草
木不受春風肥我來維舟奠椒醑蒨蒨祠荒泣山鬼亂峰
欲雪江氣嚴老蜃吹雲日色死白水真人御絳衣勳臣四

七攀鱗飛冥鴻遠舉不可致天地浩蕩容漁磯季年熏貂
成黨獄阿瞞朶鼎終瑟縮東都節義何為高七尺之臺一
竿竹

題陸大參秀夫廣陵牡丹詩卷後

南海英魂叫不醒舊題重展墨香凝當時京洛花無主猶
有春風寄廣陵

歸自越避寇海濱寒食不得祭掃

持酒無因洒墓松禽聲花色慘東風去年此日身為客及
到鄉山又客中

曉意

僧鐘覺曙鳥紛飛弄林光宿雲漸離石我起開秋房南山

忽入几相對各老蒼我老幾何年山曾見鴻荒流泉送日
月危石支興亡問山山無言啼猿起前岡

九日會連雲樓分韻得落字

冉冉海霧深荒荒山日薄登高集華裾縱目天宇廓落葉
悲徂年寒英照深酌心醉乃文字意行非澗壑緬懷斜川
游此道久寂寞胡爲吹帽人白首戀賓幕窮途謬行藏異
代懸美惡吾愛漉酒巾西風不能落

游仙壇

仙壇山在州治東五十步

窈窕懸僧廬空山斷諸想上隣境沈寥下瞰色蒼莽猿鶴
無宿期今古契真賞坐中風雅談林壑散清響涼颼洒我
髮白雲隨我杖醉卧松下石不知海月上

飛雲渡

在瑞安州西一里

人烟荒縣少澹澹隔秋陰帆影分南北潮聲變古今斷峰
僧塔遠初日海門深小立蘆風起乘槎動客心

道中

程入江鄉宿新炊飯帶沙亂山愁外笛孤驛夢中家野水
平菰葉春風足棟花西來三兩客閑說舊京華

歸白石故廬

四鄰井竈出荒墟獨鶴歸來認舊廬一逕蒼苔供瘦策半
簪華髮伴殘書斜陽巷陌語初燕新水池塘生細魚小立
春風憐寂寞忽吹花片入襟裾

春暮

乾坤萬事上眉端寂歷東風獨倚闌白髮餘春能幾醉綠
陰細雨不多寒香飄苔運花誰惜影落沙泉鶴自看碧眼
野僧知我意素琴攜就竹西彈

酬潘景玉

喚起離愁落木聲抱飢猶自向書耕江湖有夢追前事天
地無根笑此生歲晏斷鴻羈客影夜深殘火故人情幸來
相就分岑寂閑對梅花酌翠觥

用韻寄陳振先同舍

心事淒涼寄鴈聲石田苔滿未妨耕西風戍角催年換殘
夜江樓見日生煮茗敲冰貧有味看花隔霧老無情湖山
猶憶笙歌底笑領春香綠滿觥

送葛居士住栖碧菴

越山嶢嶢越臺孤井中雙鯉曾走吳滿坡叢竹遺舊箭回
首霸業空烟蕪詩人訪古凌絕壁危樓竟欲老深碧聲搖
孤枕海濤壯影伴瘦筇山月白了然道者亦離塵一龕松
下分秋雲祗今虎豹滿平陸鍊骨誰與炙青旻琴心劍氣
兩寂寞醉墨淋漓風雨落九十九峯歸夢寒玉笙冷冷跨
飛鶴

春感

柳花衮雪春冥冥溪風一夜吹爲萍萍隨風去渺流水人
生無根亦如此故山入夢草芊芊半窓疎雨寒食天曉來
白髮稀可數多少朱顏化黃土高原冉冉青烟斜麥飯酒

松能幾家子規叫殘金粟暮繭紙蘭亭已飛去

贈玉泉真士

紫霞之佩綠玉筇鞭咎鸞鳳八極空碧泓照人懸方瞳黃
冠無數趁下風自言試邑滄海東飄忽風雨傾槐宮湛盧
夜吼將安從爾來長嘯招葛洪丹氣不死橫為虹全胎十
月還倥侗三花自聚天無功笑我雙鬢垂秋蓬十年白石
煮不紅安得四方上下如雲龍

秋夜

片月相隨過竹居風生荷葉酒醒初窓扉半掩秋蟲急猶
有殘燈守故書

吳中會故人

一聲新鴈荻花秋片月吳松共客舟却憶去年今夜月思
君獨上越山樓

妾薄命六首

取古者烈女不更二夫之義以寄吾
忠臣不事二君之心不然則王昭君
慕文姬非不薄命也而其所以
舍彼取此者其意蓋有在

盈盈梁家姝奕奕晉朝使斛珠不論費得備巾櫛侍一笑

金谷春列屋俱歛避豈知錦步温已復為愁地念主惠妾

深緣妾為主累樓頭風雨深殘花抱春墜

此篇言
綠珠也

繁華隨逝水日暮朱樓空哀哀徐州妾事主不及終空房

輟膏沐明粧欲誰容春風燕子來秋風燕子去去來影常

雙飛鸞抱顛顛回首醉嬌時百花不敢媚

此篇言
勝也

二八八宮掖一笑空三千雲階渺何許步步生金蓮繡駕

不勝春飄若凌波仙榮華一回首荆棘森我前君恩花上
露妾心井中泉井泉誓不波下照青青天

此篇言潘妃也

夫君仕魏州不幸早歲折負骸歸青齊道遠囊復竭投柘

不見容落日人烟絕高義無展禽辱身顧豈屑野露雜滌

夷皇天鑒孤孽肯惜一臂殘浣此全體潔

此篇言王處妻也

陌上桑欲稀室中蚕正飢妾心知採桑安知使君誰結髮

為人婦幾年守空幃婦義不移天相邀何乃癡老姑倚門

久不待盈筐歸為妾謝使君風化關庭闈

此篇言羅敷也

國難義當馳送君遠行役黎明別江郊更上北山脊江雲

妾眼迷江風妾衣圻蒐去形獨留兀然化為石化石君倘

知勿復念衾席願持如石心為國作堅壁

此篇言望夫石也

寶林寺鰻井

雲根藏海眼靈物此中蟠吐沫晴岩雨飛陰夏木寒何年

化龍去半日待潮看消長從誰問微吟倚石闌

寄懷

圖上追三笑詩中寄七哀孤棲非絕物多難亦成才歲儉

米生竹春寒衣上苔不知遼海客化鶴幾時回

宿台州城外

荒驛丹丘路秋高酒易醒霜增孤月白江截亂峯青旅鴈

如曾識哀猿不可聽到家追此夕三十五郵亭

賦梅一花得使字

玄冥雨霜葉槁地誰為乾坤挽仁氣苔枝老醜春力微緜

出蛟宮剪初試芳信不消三兩點已壓春風二十四百花
頭上頭更高空谷天寒弄幽致太素忽開渾沌苞陽竒首
洩河圖祕山林骨格知無雙冰雪精神真寡二道人紙帳
卧江月却愛獨清同此意淺波照影自相耦憶向孤山作
春事斜陽凍蝶愁未知海上先鋒青鳥使

賦冬嶺孤松得秀字

靈丹九轉無仙授槁色千林何可救凍蛟出壑蒼髯秀勁
氣獨與玄冥鬪秦官五輦空遺臭陶徑單傳無別胄天寒
落日啼猿猶如見襄陽古耆舊花開花謝當春晝蒲栲迎
秋唯恐後此地不知黃落候一蓋高風撐宇宙貞心耿耿
神明佑六陰雖朋不敢寇朔風揚威雪質質君子之傷君
子守明堂一柱難獨撐青牛伏龜千歲壽

紀夢

此借夢為題以言故居之事也

江風吹夢到書樓樓外新鴻數點秋葛老巾山空落照晉
時帶水尚東流魚蝦市散荒烟合鳥雀門深細草幽何處
一聲長笛起覺來獨客在滄洲

葛壇即事

仙壇有平石方十餘丈舊傳葛洪煉丹之所故名葛壇

半壑松雲識稚川携琴曾此寫風泉日烏月兔神丹古春
蚓秋蛇醉墨鮮世事榮枯成一笑人生好醜在千年下方
城郭塵如海輸與山中枕石眠

答陳植父

衡門愁絕坐詩窮瘦策荒途况此翁流水年華孤月在黃

花心事幾人同鄉書杳杳迎江鴈客枕蕭蕭避井桐昨夜
尊鱸應入夢為舟歸去及秋風

贈天目吳君實

天目山在臨安縣西五十里

詩興翩翩度雪溪巖雲猶護舊留題夢回殘月蒼梧曉家
在春風秀麥西堂草堂深衣屢寄桃花觀冷酒重攜故山
石鏡無人問空與寒猿照影啼

秦望山

在會稽嵊縣秦始皇登山望海處故名

鐫石竒功席卷來眼中滄海一瓊杯神山只在靈鼇背徐
福樓船不見回

項羽廟

在山陰縣南十五里

夜半追兵入楚營鴻門玉碎卯金興江東父老猶羞見地

下如何見范增

登謝客巖

在温州積穀山下

截薛鎮九斗巔羸袂五丁飛霞適何來縹緲開殊庭永懷
謝康樂坐嘯山水城曠代得真契登臨有餘情松風洒六
月使我毛骨清猿鳥亦仙意人生胡營營石麟卧荒蕪問
此誰氏塋野老向我言其人昔公卿珠玉照黃壤送者冠
蓋傾華朽變百年所寶非脩名乃知鐘鼎貴不如芝薇馨
所以世外人返老還吾嬰倚杖空歎息洞口雲冥冥

秋日榴花

彼羨石氏姝相逢綠陰早借問此何時清霜下百草舞裙
冷猩紅自作背時好誰家返魂香招以華素顯水霞晚猶

鮮山日寒更杲燕逝蟬無聲園林迹如掃飾明以驚昏豈
昧出處道飄零餘寸丹耿耿歲華老

連雲樓

先生家有樓扁曰連雲

我心適無事看雲起南山層簷接空影而不礙往還昔年
允鱗化乘此青冥間膚寸未膏物黃埃滿人寰剛風忽吹
斷小寄白石閒豈不自怡悅良田變茅管何當鞭豐隆上
扣虎豹關

昌源懷古

昌源坂在會稽縣南三十五里吳越王錢氏所葬之處

牛頭一星化為石千仞稜層垂鐵脊隆隆隱隱佳氣藏列
峯環拱效圭璧玉棺何代理雲根三朝萬乘子復孫典冊
輝煌照九土歲時園廟嚴駿奔輪雲自古樂翻覆山靈不

守松栢禿離離荒草鬼火青麥飯無人洒林麓我來吊古
欲雪天梵宮金碧棲寒烟殘僧相對語寂寞苔梅隔嶺表
年年

賦雙松堂呈薛監簿

監簿名有雙永嘉人有堂扁曰雙松

宿覺山中有雙松一朝劫燼鱗鬣空端明堂前有雙松至
今古色摩蒼穹此物受命本千歲扶持若有神始終天留
貞質表文獻旒言幻學寧女容昔賢種松如種德柯葉餘
事根本豐百年封植雨露飽厥聲大肆鳴笙鏞掀髯相視
雪質買擁蓋對立雲童童不知天地有黃落玄冥失柄春
無功聞孫裘冠立松下典刑如侍乾淳翁昂藏見謂廊廟
具天矯亦有山林風稜稜鐵面不可犯麾去秦爵如飛蓬

綵衣奉酒列清影森森頭角皆虬龍

雙檜堂為魯聖可行可賦魯君永嘉城內人

魚頭公子冰雪姿根抵忠信華文辭乃翁手植豈無意貞
固已作層霄期氣含芝木體松栢容成山下神仙宅清陰
冉冉生庭除綠霧纖纖護琴冊風簷對語如索詩君家伯
仲諧墳麓養成材器豐且碩蓄洩雲雨蟠蛟螭黃州謫臣
坐詩累杳杳蟄龍空九地蒼根留取千載芳何物醜秦盜
名字

新春

衰顏憑酒潤故國得春新兵革兒童長風霜天地仁草心
懸落日柳眼看行人擾擾紅塵者知誰效角巾

神山寺訪僧平陽山口

獨客無清伴高僧住別村空山卓錫影斷石繫舟痕風和
松生籟沙虛竹走根小亭閒坐久落日嘯孤猿

萱草

近種庶葱碧初抽鵲嘴黃千年入風雅一草寄綱常澹日
空階影餘春宮佩香此時憂正切對爾可能忘

避寇海濱庚寅歲山寇為妖先

偶動乘桴興孤筇立海頭兵塵何處避春色使人愁腥浪
翻蛟室癡雲結蜃樓神山空縹緲水弱不勝舟

鄭氏西莊

不踏紅塵道結廬依水鄉遠峯開宿雨高樹表初陽犢卧

野門寂鴈飛秋稻香午橋花竹地回首已淒涼

客懷

道出蕭臺北青鞵第幾山看雲生遠思臨水覺衰顏石室
猿空老花時燕獨還春光已愁寂况復在兵間

太學同舍徐應璩誓義沈井後十年衆為營墓立

碑私謚正節先生

高名不與魄俱沈魚腹孤忠耿至今翠碣已書身後謚寒
泉猶照死時心神遊舊月山河改夢斷踈槐風雨深埋骨
誓終從武穆樓霞嶺樹隔秋陰

寄呈方蛟峯尚書

尚書名逢辰字君錫嚴州人中央書

野鶴松根認復聲夢中釣樂尚泠泠南山老翠幾千尺北

斗寒芒第一星泉石好春歸健筆乾坤正氣寄遺經神功
未展潛蛟在還卷風雷付六丁

聞家則堂大參歸自北寄呈

丙子春伯顏兵至於

知政事與丞相吳等充祈請使諸燕申祈請

之議國亡中志不仕殿河中府十九載至元三

濱死孤臣雪滿顛冰斃醫盡傷生全衣冠萬里風塵老名
節千年日月懸清咲秋荒迹海鶴古魂春冷蜀山鶴歸來

親舊驚相問不來誰識夕照邊

酬潘景玉

平陽人

讀史雙眸夜炯然一聲江雁落燈前馬非汗血材終下木
或青黃性不全風月未容詩入務乾坤應許酒為年寒城

日出無窮事老耳山中獨聽泉

翁氏仁壽堂次韻

翁氏號秀峯居城人有堂扁曰仁壽

黃葉青苔畫掩關無端兩鬢為詩斑
宵吞雲夢不知岸堂在崆峒豈有山
卷道暮年荆璞在傳家遺墨浦珠還
王良去後益車厄老驥空懷十二閑

谷梁主簿二首

名杰號觀齋瑞安人

相隔雲江有夢尋篇詩寄舊重兼金山
林未遂康康性風雨空愁葵藿心老氣
十年看劍在秋聲一夜入燈深銅槃消
息無人問寂寞西樓待鴈音

閒采秋荷自製衣相逢舊雨語依依
學窮科斗心空老志跨蟾蜍肉不飛
幾喚江帆和鴈渡長歌巖戶見雲歸何
須

化鶴千年後城郭人民半已非

待應平坡侍郎郊行口占二首

節岩字和父平陽人登淳祐第歷官

刑部郎吏部郎寶謨待制兼命後歸老南坡

春霖卷流芳霽旭浮遠野白首正元人
相期古松下試耕黃犢健入社白鷗真
柳外呼舟去水風吹葛巾

別方槐庭山人二首

半生書劍孤心老萬里山川兩眼醒
空向西陵問佳氣舜田禹穴草青青

夜闌深語剔寒缸別意蕭蕭竹半窓
明日孤帆鴻影外東風殘雪過曹江

送果上人游五臺

在代州一門郡

萬里參師最上關五臺高處雪花寒出門有礙憐吾老獨
枕殘書夢杏壇

飄飄孤錫度風沙南北由來本一家參透五臺峯頂雪却
歸大庾看梅花

故相賈氏居

賈似道字師憲台州人

當年構華居權燄傾衛霍地力窮斧斤天章煥丹雘花石
擬平泉川途致茲壑唯聞丞相嗔肯後天下樂我來陵谷
餘山意已蕭索蒼生墮顛崖國破身孰託空悲上蔡犬不
逐華表鶴丈夫保勲名風采照麟閣胡為一聲鉦聚鐵濤
此錯回首耒草碑荒烟掩餘恠

寄周計院

埏端安人

海蔡變紛紛秀色瓦孤興山林華髮尊黨遂深衣古獨餘
釣天夢翛然在巖戶翳翳桂魄仄沈沈槐夢雨江濤豈不
深脩鱗挂網豈不知義井船秋風繫何許

別所親

人生重離別况此雙鬢蓬亭柳非故色昨夜吹霜風臨分
復携手野色猶濛濛愁深轉無語寫入潺湲中一水分兩
支來共高高峯出山暫相失到海終相逢

溪行

風高餘暑盡獨策與悠然野色延幽步秋聲入暮年日斜
禽影亂水落樹根懸回首故人遠城笳吹夕烟

仙壇寺西林

古壇仙鶴杳野鹿自成群
松氣浮清曉經聲出白雲
石穿僧屋過水到寺門
分人世無窮事山中了不聞

問桂

空吟招隱句林下立多時
秋信在何處天香開幾枝
山河深夜影水石隔年期
曾是舉英客清愁欲語誰

聞蟄

淒苦難成調秋風入細弦
草根語深夜燈下感流年
落葉已滿徃征人猶在遠
寒衣何日寄思婦不成眠

寄鄭宗仁

城南懷舊別谷口寄春耕
野鶴巢雲老林僧管瀑清
養花疏石髓煉藥伏山精
見說孤燈兩年來著易成

哭郭同舍

組

寂寞青燈舊流離白髮新
病猶依故國死乃見全人
殘墨家無子高風墓有鄰
斯文堪一哭落日冷湖濱

白拒霜

木芙蓉之別名

美人瀟洒江水東玉爲肌骨
冰爲容豈無嫣紅開別浦
自性淡好羞迎逢燕脂百斛
闔宮飾白帝有令母織纈
霜紈霧縠許在列其敢誨
冶女不共阿環羽衣曾按舞
睡棠何事分春濃不如淡掃
粉亦却諸姨合避號國封
當時親承香露溼峽夢回首
雲無蹤空聞天王守太白朝
元閣下悲秋蒼我來殷勤爲
花壽鉛霜贈爾瑤兔春却向
花間酌清氣叱御勿進琉璃
鍾

荅鄭即翁

初陽蒙霧出林遲貧病雖無氣不衰老愛歸田追靖節狂
思入海訪安期春風門巷揚花後舊國山河杜宇時一種
閑愁無着處酒醒重讀寄來詩

王脩竹監簿名樓曰與造物游命予賦王公諱英孫號脩竹

會稽人仕至將作監簿素與先生友善
革命後先生游越多居其家莊子上

秦望諸峯入几看仙居縹緲五雲端天高地迥三千界月
白風清十二闌碧海氣清珠佩濕明河影落玉簫寒超然
身在鴻濛上何必蓬萊跨紫鸞

東山渡次胡汲古韻汲古名僑號天放嚴州人

客來持酒洒烟霏空想高風意欲飛老洞藏雲安石卧孤

舟載雪子猷歸一川白鳥自來去千古青山無是非欲上

危亭愁遠眺廢陵殘樹隔斜暉

寄陳用賓觀國温州人寓居越州

水竹脩脩稱客居有時挾筴自觀魚為儒老入他州籍懷
古幽探異穴書日暮碧雲歸已晚歲寒青桂看如初文章
自古多憎命狗監無勞誦子虛

喜劉邦瑞遷居采芹坊二首邦瑞温州海壇人遷居越州府學前采芹

坊之

鄉心幾夢海壇居半老儒冠計未疎岸竹色侵春壓酒壻
花香度曉翻書卜鄰翅豆三遷後負郭田疇二頃初雨過
新篔青可摘小船籬外賣溪魚

并鄉聚散笑忽忽歲月無情忽兩翁燈火城南聽夜雨
麻杜曲憶春風百花新意皆歸燕萬里離愁獨寄鴻重約
扁舟尋禹穴夕陽疎樹亂雲東

過風門嶺

在平陽仙口
台州亦有之

客來自風門颼颼撼兩袖溪迴眾峰新
峴絕一嶺又行行
春日微暉禽啼白晝流年感花稀
古道表松秀聊此寄小酌餘酣掬山溜

贈秦霞去士祈雨之驗

冲真平陽人姓吳氏

火旂燄燄燒坤垓蒺藜滿道風揚塵
槁苗無花不作穀
農扶杖田頭哭與聲不為填溝渠
室罄何以供官輸
撒龍唄佛寂不應蜥蜴那能擅權柄
秦霞真士鞭風霆綠章叩

天天亦驚玄雲沛雨起眉寸點點
都是盤中飯
須臾收斂歸無聲翩然駕虬出山城
我聞調元功自古亢為常
陽伏常雨廟堂有道司牧良坐看玉燭開
金穰淮南捕蝗蝗更在饑蛟齧人陸成
海肥羊日日供大官論功乃使專黃冠
真士寸田無水旱天機子夜交離坎

寶積寺僧舍古梅一樹皆榮而頂獨枯即席為賦

寺在瑞安州孫橋西

鐵虬偃蹇八尺強雲屋深深吹玉香
開徧枝南與枝北頂頑不受春風德
情如枯禪坐瞿曇霓旌羽葆來氍毹
世情冷暖異榮朽道眼看來兩何有
炎州嶺上識袒衣參橫月落皆玄機
老僧與客一笑頃醉藉莓苔弄疎影
醒來忽憶

孤山前繫舟老樹飛雪天翠羽無聲江色凍夜闌秉燭渾
疑夢貪嗔到此一一除獨有漫花癡自如

哭德和伯氏六首

李德和先
六月逝

棟隕雙葩淚洒紅百年已短更匆匆抵今風雪栖栖影地
老天荒一箇鴻

風塵何處託清魂家世梅花水月村舊篋已無封禪藁獨
憐渴病似文園

空遺破硯孤心苦只博生綃兩鬢華小婢燈前泣秋雨竹
房不見夜呼茶

溪冷浣花宗武哭池荒夢草惠連愁行人猶說春風夜燈
影書聲共水樓

伯兮癯似松間鶴季心孤於雲水僧昨夜夢中聞笑語覺
來秋在影堂燈

草枯霜白泣原鶴五十三年老弟兄風雨對床緣未了并
花重合在來生

山窓新糊有故朝封事稟閱之有感

偶伴孤雲宿嶺東四山欲雪地爐紅何人一紙防秋疏却
與山窓障北風

僧明

一閒每笑不如僧及到僧門閒未能昨夜褐袍風雪裏隔
溪天吠入林燈

霽山先生文集卷之一

霽山先生文集卷之二

白石樵唱

雜詠十首酬汪鎮卿

名昂號桐陽平陽人

跋鳥不停飛歛息下蒙谷征途險在前而况車折軸夸父
追羲和欲挽丹砂轂意遠力不任化作鄧林木漫漫夜何
如長歌飯飯齧棘

百感湊孤夜江樓起呼月秋蟲聲轉悲念此衆芳歇人生
非金石青鬢忽已雪踰淮橘心移出山泉性汨猗蘭抱孤
芳不受宿莽沒

老來屏人事北窓寄高眠飄飄御風遠銀闕開九天虎豹
不見噴豈予有仙緣玉座覆紅雲香爐霏紫烟黃冠立小

兆冉冉道我前下土蟻虱臣微衷懷欲宣兵戈幸休息飢
饑方連綿洪惟大生德寔制水旱權願言回哀眷與世蘇
困懸皇靈閔臣請曰其啓豐年再拜謝闕下回飈墮林泉
夜雷聲殷殷甘澤朝盈田沈思喜且驚竟交非偶然士抱
當世憂天猶為之憐况此咎證臻庸非燮理愆貞觀有房
杜斗米曾三錢

鳳德嗟已衰宣尼欲浮海賴有載道經神功補元宰刑詩
挽風變繫易真靈駭春秋筆削嚴西秦書乃采微義將警
周逆悲大運改修德千古心後死文乃在

予有憂世心蒿然見眉睫崇交擬昔人西風寄三疊作詩
匪雕鏤要與六義涉斥甫再拜鵠高風或可躡肯作鷓鴣

鳴悲涼和秋葉

青蓮不墮劫金鼎能回枯吾道寄流水此外何所須豈不
念百年奄忽歸丘墟生死同晝夜逆天詎敢居異端紛渾
人微此吾其魚

淪惡易如墜進善難如登危執方寸地風雨吹冥冥尺水
增丈波鯁鱗亦為鯨海幸空變易天地終清寧感此坐中
夕踈林動秋聲

漢日落西崦孤豈明中州玄德負英猛欲挽無萬牛龍鳳
一已逝斯人復安求區區守江左老此以菟裘大義固不
識卑執孫仲謀

垂垂大厦顛一木支無力精衛悲滄溟銅駝化荊棘英風

傲几砥濱死猶鐵脊血染沙塲秋寒日亦為碧惟留吟嘯
編千載光奕奕

權臣坐偃月棄官如飄蓬及茲顛沛秋翻然挺孤忠一死
未得所網羅挂秋鴻渡淮已不食鮭槁夷齊風何人續遷
史表為節義雄

趙奧別業

在平陽城西二里馬鞍下

已無湖海夢漸老足閒情野杖日尋壑家書時到城開池
納天影種竹引秋聲亦愛簞歌樂年來世味輕

草花

不入群芳譜生機胥化工十年多曠土一種自春風蛙吠
殘陽影螢明細雨叢中人懷洛艷錦幄照簾櫳

夜意

澹然無一事至樂在書床老石棲雲定踈松過雨香礎清
秋巷迴燈白夜堂涼此意無人會重城醉夢鄉

老松舊隱為曹許山賦

許山諱穆孫瑞安人父侍

十五松于庭夾徑蔚然其
後因有老松舊隱之署

七十五松在當年手植翁龍髯雲滿壑鶴唳月當空三品
非秦爵諸郎有晉風夜深清籟發歸珮玉丁東

中和節

柳下一瓢酒湖風散積陰晴舒生物命春酌化工心鶯語
調寒燠花粧定淺深悠然情性會宇宙入孤吟

天台隱者

俗駕不曾到瘦筇時復携肺肝清澗飲鬢髮老巖棲野巷
猶雞犬春城自鼓鞞未應人世外別有武陵溪

新昌道上

江湖猶是客歲月已成翁仙路重雲外人家落木中山痕
經燒黑土脉入泉紅又得春風信孤花照驛東

寄懷

風雨知何夕干戈寄此身青燈少年夢白髮異鄉春水驛
逢花使丹田守谷神行窩隨處樂聊自得吾真

贈吳秀林東歸

幾夜高堂夢不知山水長西風歸鴈蕩落日過烏傷斷影
雲空白孤心草欲黃終憐負甘旨淚洒蓼莪章

越中送徐右寅歸閩

此地同爲客當秋獨送君斜陽留薄醉遠道惜輕分老泪
遺陵木鄉山出海雲天南有回鴈音信倘相聞

錢盛景則教授

台州黃岩人
職教平陽

空明仙人朝帝所跨鶴凌虛墮霜羽洞中石髓流不乾聖
泉寫入君肺腑潘江陸海一日盡自提脩綆汲千古碧芹
水冷涵夜燈丹鳳山空鳴曉鼓有時白戰風騷場小巫見
之縮雙股飯雖不足仁義腴墻陰老薺蕞春苦丈夫出處
各有道天地網常要撐拄俗吏惟知騁刀筆腐儒亦或拘
訓詁雲霧寒森寶書廣文袖有修月斧離亭酒短衣帆
開鴈蕩峰前桂花雨

送橫舟真士遊茅山

真平陽人姓林氏茅山在建康府

海鯢吹腥浪千尺野渡橫舟人不識春風未暖六絰灰閑
抱黃庭煮白石綠章夜徹九虎關坐使業海生青蓮蟾蜍
窟冷手自探西湖一鶴梅花仙四時茫茫行大塊君向何
山飛羽佩雙袖携雲發天台秋竹騎龍窮地肺瓣香持謁
三茅君上清秘笈開瓊文十月_旦見誰抱送飛出泥丸跨
丹鳳

讀秦紀

琅邪臺上晚雲平虎視耽耽隘八紘萬里不知人半死
山空覓草長生兆米鬼壁沙丘近威動神鞭海石驚書外
有書焚不盡一編圯上漢功名

項羽里

在山陰縣南十五里有廟在焉

英雄蓋世竟何處故里淒涼越水涯百二勢傾爭逐鹿八
千兵散獨乘騅計疎白璧孤臣去淚落烏江後騎追遺虜
荒林人酌酒至人春草舞虞姬

元日即事

宿霧沈城海日遲十年冉冉鏡中絲江湖舊夢衣冠在天
地春風鼓角知杜曲棄麻歸已晚尚平婚嫁畢何時野人
問我行藏事自向庭前采柏枝

燈市感舊

舊夢仙山駕海鰲飛梅如剪柳如縑千門疑是繁星落九
陌不知明月高零亂遺鈿空宿草昇平疊鼓散春濤寒燈

寥落殘書在獨抱荒愁寄濁醪

枯城廣州古

寒芒曾動少微星一水溶溶疊嶂橫落日漁舟吹遠笛斷
烟成屋帶荒城沙鷗欲近如招隱關樹無多亦厭兵却憶
鶯花亭外路太平簫鼓沸春聲

荅唐玉潜越州人

畎畝孤心老未衰一籬瘦菊一瓢詩黃埃赤日謾多事蒼
狗白雲能幾時山酒稍香春壽母校書芸冷夜呼兒橫琴
妙在無弦處何必知音有子期

陪王監筵宴廣寒游次韻亭四畔皆植木犀名廣寒

銀橋疑駕海天長丹采離離照翠觴影浸山河瓊殿冷舞

深風露羽衣香亦知廣莫元無野却笑溫柔別有鄉手折

一枝驚昨夢素娥憐老授玄霜

楊妃菊

昭陽舊恨逐風飄歲晚山中霜露饒彭澤歸來空自老中
原舞破為誰嬌返竟碧海熏初炷宿酒沈香暈不消亦是
前身曾捧硯品題因得入詩瓢

漁舍觀梅

冷雲漠漠護籬陰瀟洒苔枝出竹林影落寒磯和雪釣香
浮老瓦帶春斟幾憑水驛傳芳信祇許沙鷗識素心回首
西湖千樹遠扁舟寂寞夢中尋

陶山十詠和鄧牧心陶山在越州南以陶貞白嘗隱于此故名

晴峰無數蘸清流窈窕寒生六月秋百鍊不須歐冶何沼
吳人在采蓮舟

右若耶溪

巨牯長竿釣海波空遺磯石卧荒坡千年無此垂綸手多
少飢民向浙河

右任公子釣石

流來一水截人寰虹霓秋寒十二闌白鶴飛遶人影絕天
風吹珮玉珊珊

右集仙橋

笑拂青蘿問隱丘千巖秋色此平分當時宴坐無人識唯
有松風共白雲

右陶宴嶺

一室元無斧鑿痕閑雲四壁守孤猿空山靜閱古今過不
老乾坤是此門

右石广

玉筍孤帆喚不來長風破浪憶江淮不知海水何年陸萬
斛龍驤寄斷崖

右石船

聞說東夷有聖人歷山何處此耕雲露苗猶洒當年泣寂
寞春風鳥自耘

右舜田

鈞天夢破珊瑚枕巖壑春供翡翠屏一卷黃庭雲半布夜

深讀與嶺後聽

右葛仙翁石床

元非鑄冶自成灣烏兔烹煎那得閑却問黃糧幾番熟不知沸鼎在人間

右上下二鑊

洞霞疑接台峯近石棧空歌蜀道難一種靈苗人不識半山霜露夜痕乾

右附子岡

酬謝臯公見寄

南劍人

入山采芝薇射虎據我丘入海尋蓬萊鯨鯢掀我舟山海兩有礙獨立凝遠愁天人渺天西瑤音寄青羽自言招客

星寒川釣烟雨風雅一手提學子履滿戶行行古臺上仰天哭所思餘哀散林木此意誰能知夜夢繞勾越落日冬青枝

送喻舜與歸壽乃翁七十

聞君有奇氣千巖在胸中歲晚携甘旨歸以獻乃翁乃翁松柏姿深村侶樵農風塵了不識七十顏如童舉按各華髮抱孫戲花叢境閑意易足食淡神常豐乃知世網外宇宙皆空同仰山千歲酒綵袖圍春風

過徐禮郎狀元坊

徐懋扶字公望平陽人淳祐廷對第一終禮部郎官

名坊臨野渡曾此產魁豪湖滯詩書潤山增科第高劫灰遺斷礎鬼火出深蒿東海揚塵久無人釣六鰲

古松

雷電空山夜髯蛟起石泉喬陰無六月老氣欲千年斲藥
人能壽巢枝鳥亦仙天風靈籟發彷彿奏虞絃

訪朱月峰不值

見說携琴去西風半日程雲留秋渡冷月過別峰明落葉
驚竦髮黃花照澹情思君不能寐一鴈叫深更

題長春子自畫

洞賓別號長春子

辟穀曾吞日月華春風不老聚三花玄關一竅通無極白
髮餘生笑有涯野鶴相看盟秀竹洞雲何處食靈瓜披圖
彷彿榴皮迹珍玉還如東老家

輓浙西提舉李公

公錫字宗禹永嘉人

文獻凋零半壘雲荆花舊宅冷溪濱欲知禮樂千年事曾
寄行藏八表身旌節自天驚隔世衣冠入地見全人鶴袍
猶憶談經處風雨宮槐猶落薪

輓徐若翁

以孫伯號肖梅溫州人

化鵬有便風初積棲鵬無端日已斜絕漠亦傳垂死偈故
朝曾是勸忠家層霄夢斷關山笛深雪竟歸院落花公論
蓋棺應自定猶言遺德在東嘉

重過虎林

虎林山在錢塘舊治北半里亦曰武林今為郡稱

漠漠江湖夢蕭蕭禾黍秋清霜吹落日白髮過西州池涸
神龍逝山空老鳳愁惟餘關外水寂寞自東流

故宮

驚風吹雨過，歷歷大槐蹤。
王氣銷南渡，僧坊聚北宗。
沼深凝碧樹，草沒景陽鐘。
愁見花飄月，荒秋咽亂螿。

辟雍天子學宮之名

冠帶百年夢，昔游今重嗟。
璧池春飲馬，槐市暝藏鴉。
堂鼓晨昏寂，廊碑風雨斜。
石經雖不火，歲歲長苔花。

禮闈禮部貢院也

楓陛將親策，蘭宮此並馳。
九鱗風雨化，澹墨鬼神司。
染柳春衣淨，看花曉意遲。
偶來追昨夢，成屋草離離。

西湖

繁華已如夢，登臨忽成塵。
風物曠西子，笙歌醉北人。
斷後三竺曉，殘柳六橋春。
太一今誰問，斜陽自水濱。

拜岳王墓

岳飛葬西湖之西霞嶺

寒落一抔在，英雄萬古寬。
孤忠懸白日，遺恨寄中原。
樹老殘霞澹，塵深斷石昏。
東南天半壁，往事泣寒猿。

孤山在西湖林逋隱處

回首咸平夢，清自蒲湖乾坤。
一士隱身世，此山孤鶴去。
空秋影梅開，尚舊株耳孫。
今白髮持酒，酌寒蕪。

葛嶺在西湖賈似道不于西湖葛嶺

不讀霍光傳，炫然棄李門。
湖山變朝市，烽火滿乾坤。
膽落冰天騎，龜飛瘴雨村。
春風吹秀麥，誤國竟何言。

飛來峰在武林

何年移世國，秀色發稜層。
清極不知夏，虛中欲悟僧。
討幽

嵐氣重泉落乳花凝猶憶烹茶處聞來話葛藤

寄別諸公

盍簪譚舊夢持酒送餘春天地綠陰雨江湖白髮人時平
銷劍氣客久積衣塵又出重關北斜陽獨問津

五月三日寓嘉禾學宮顧東浦載酒相過二博士
偕來飲就醉翌日留詩爲別

嘉禾古三輔積少何蒼茫舊游夢歷歷况此逢端陽東艾
宵人形傾葵抱入常蕭蕭老逢掖得依夫子墻鶴湖無五
月宿雨生微涼各從東浦來手持紫霞觴采蒲汎纈玉兵
我書傳香殷勤兩博士雜出有與漿書囊談未了一醉齊
彭殤酒醒忽不樂起看北斗芒歲月感疎髩風烟渺殊方

明當理征棹斜日鱸魚鄉

訪二陸故居

機雲故居在華亭縣西北三十里崑山下

風流懷二陸才名動三吳斯人不可作千載空烟蕪當時
騁俊筆萬象爭先驅有如明月璧美價傾鴻都世運有翻
覆韞匱真良圖惜孔去就乖毀此千金軀人生皆有死百
年同須臾獨遺文字芳乃與天壤俱淒淒崑山寒冉冉谷
水枯白鶴久已寂黃犬誰復呼荒祠掛殘陽扁舟入菰蒲
采萼薦秋水庶以明區區

簡衛山齋

平陽人寓居松江府

虎林一傾蓋草窓雪初殘酒酣夜剪燭妙語鏗琅玕回首
隔吳越清風渺難攀焉知白首餘遠訪滄波間大鵬九萬

里神駿十二閑天風非不高乃樂烟水寬乾坤寄一芥江
湖浮九山何當躡飛珮跨鶴青雲端

會嚴陵邵德芳同舍邀宿玄同齋道舊有作

市槐夢忽醒喬柯落風雨何人斧爲薪遺根尚依土緬懷
赤煒初鬱芝翠蛟舞其下有橋門雍雍冠帶聚萬物通衰
盛千載一仰俯射策君先登氣勇不再鼓遄迴三舍問我
亦躋寸武雲雷高尚屯有志良獨苦空山少芝薇大澤多
網罟爾來涉長途征衣拂天姥遙汎松江舟薰風采芳杜
故人隱雲間九山青照戶相逢各華顛舊事不敢吐悠哉
抱玄同高卧標枝古

謁陸宣公祠

在嘉興

冰玉爲骨秋爲神堂堂內相真天人諫草數百垂清芬仁
義一洗功利塵剝肝瀝血空排雲白日不鑿吾忠勤奉天
詔下哀痛新將士感泣天亦聞皇威雷動清九垓一紙可
敵百萬軍草茅學古期致君以額扣闈九虎噴玉堂雲霧
當華津耿耿何不批龍鱗一尊酹古淒夕曛鵝湖之水春
復春

雲間懷古

雲間秀州地名

薰風短棹水粼粼老鶴踈林寂不聞內史祠荒殘碣雨黃
門書冷半堆雲獵場斜日分棄塢馳道秋深走鹿群寒落
一觴誰吊古漁鄉烟景客平分

劉伶墓

在嘉興縣東二十七里

碧落當年墮酒星醉中萬事一浮萍亦知人世無窮事一
醉松根不肯醒

黃耳塚陸機犬名黃耳

筠筒音斷水雲村吠入空林枸杞根我亦天涯音信杳盧
令詩在爲拈毫

蘇小小墓錢塘名倡有墓在嘉興縣西南六十步

歌扇風流憶舊家一丘落月幾啼鴉芳魂不肯爲黃土猶
幻燕支半樹花

過澱山湖在秀州華亭縣東南三十里其山水色皆如澱

柳口乘寒浪湖心散桂愁菰蒲疑海接鳧鴈與天浮澤國
無三伏風颿又一州平生謾爲客奇絕在茲游

舟次吳門

懷古心猶壯臨流影自孤湖烟迷樵李城木出姑蘇草暗
春驚鹿菴香秋試驢青埭舊時月無復聽吳歛

虎丘寺在蘇州城北九里

突兀僧房倚翠微金精幻虎霸圖非瓊田萬頃山如湧鐵
壁千尋泉自飛堂在經聲通老石樓開塔影落秋衣千年
幽獨嗟誰氏斷刻苔深帶夕暉

劔池在虎丘寺前

鑿開神斧是何年珠鴈金鳧鎖冷烟薜荔帶雲懸古木
轆轤卷月出秋泉巖前洗劔精疑伏林下烹茶味亦禪高倚
石闌清嘯發恐驚池底老龍眠

垂虹橋在蘇州

地坼東吳海脉連畫橋兩道跨晴川影翻河漢蛟龍國勢
壓江湖帶練天幾處征帆浮日月四洲鯨角隔風烟三高
遠矣荒祠在一笛闌干夕照邊

館娃宮

在蘇州城外硯石山上蓋以四施得名吳以美女為娃也

苧羅山女入宮新四壁黃金一笑春步輦醉歸香逐月隔
江還有卧薪人

真娘墓

在虎丘中路

歌聲舞影散春靈月殉首冤幾落花休恨天家無分到漢
妃青塚落胡沙

羞墓

朱買臣妻墓也在嘉興北七里

遠望車塵汗雨流自知覆水已難收為君富貴妾羞死富
貴如君不自羞

京口月夕書懷

吳江

山風吹酒醒秋入夜燈涼萬事已華髮百年多異鄉遠城
江氣白高樹月痕蒼忽憶凭樓處淮天鴈叫霜

許鄆州故宅

唐許渾居潤州京口故宅在南門丁外橋

讀君丁卯集想此建橋時荒草一區宅清風七字詩吳雲
含靜態郢樹寄餘悲落日空懷古長歌知不知

多景樓故址

在潤州城西土山上甘露寺側

灰飛百尺景愁人斷礎殘蕪但庶群對峙金焦兩拳石平
今淮浙半江雲乾坤幾沸蕭公鑊風浪空藏郭氏墳思衲

不知興廢事梵宮金碧自紛紛

鶴林寺在潤州黃鶴山上

流水蒼松石迳斜甕城城外梵王家仙林不返雲巢鶴僧鉢曾移海國花剝落苔碑秋卧草荒涼竹院午敲茶當時一擲乾坤手曾向山窓倚暮霞

金山寺在潤州江心去城十里

吳楚風烟畫裏看中流樹色擁禪關一星化石江成陸雙塔摩空寺裏山衲寄雲林清海恠泉移蛟窟照僧閒千年天塹今如掌寂寞寒潮自往還

焦山寺在揚子江中與金山相對

山裏中流小梵林寶蓮鰲背翠沈沈半空但覺烟嵐合三

面不知風浪深仙井浴丹開曉日海門浮玉澹秋陰洞深瑤草無人采瘞鶴殘碑浸碧潯

宋武帝居今為書院寺

青衣夢破滿林烟一擲乾坤亦偶然僧屋翠微看月上江山猶似永初年

中濡泉舊在揚子江心今題金山寺井曰第一名

泉余疑而問僧僧謂神龍所移嘗示夢方丈亦愚世也然江心風濤茫渺縱有泉不復可取

蜀波萬里與淮連揚子江心浪拍天陸羽當年亦竒士驪龍蟄處識名泉

金鼇背上汲清泠僧說龍移遠脉靈若定此泉為第一惠

山未必服中澗

惠山泉

去無錫縣七里山東西有泉皆合於溪西南入太湖

第二名泉在深雲護石闌九峯靈氣洩三伏細流寒透脉
松長潤餘香茗欲殘荒祠懷陸羽一掬酌空壇

丹陽泉

揚子江中斲夜月慧山亭上漱朝烟遙看丹氣霏微裏二
十泉中第四泉

新豐道中

丹陽地

長飈卷炎埃澄空出秋不迢迢鐵甕城回首隔蒼霧酒帘
颺荒市笳鼓發深戍倚蓬問舟人云是新豐路籬落雞欲
棲野水牛半渡不見抱琴人斜陽在高樹

石翁姬

在丹陽

東艾楚俗愚鑄金秦田怖何年斷雲根偶立此翁姬千春
衣莓苔偕老食風露世人輕結髮覆水或旦暮乃習無情
緣永與天壤固停舟一訪古久欲祛此銅父老向我言曾
是梁朝墓衣冠化黃土古立亦成路當年殉金棺茲物獨
如故閱世如過客興亡了不悟時借牛礪角敲火戲童豎

毗陵太平院壁間畫山水熟視之有飛動勢殆仙

筆也因題

山風不動雲四寂萬頃波濤生素壁三峽夜怒搖星河九
溟書沸卷霹靂誰將江海一筆吞華陽入硯玄波翻靈壺
東轉坤軸動驚浪出沒蛟與鼉毫端分寸千萬里人心之

險亦如此老僧閱世如閱畫面壁凝然悟玄理嗟余老作
汗漫遊寒光飛動六月秋乃知瞿塘在平陸安得竹葉
成舟

舟中書事

村酒沽來濁可斟扁舟過雨繫楓林午香吹稻海田熟秋
蔓引菰茅屋深天地暗塵歸客鬢江湖斜日動鄉心衰年
自笑爲形役空羊八閭臥水陰

蜀頭陀客吳歲久持行精勤有道者也

三峽無歸夢間雲滄石床半生修白社孤影寄朱方覺路
心如月高年頂不霜
憐來往者終日爲誰忙

練川道中次胡汲古韻

客中還又客回首憶并州一枕江湖夢五更風雨舟水寒
荷葉老蟲響豆花秋幾度看雲坐吾生亦覺浮

劉龍洲墓

名龍洲改之
蘇州

一杯寂寞幾秋風雲出洲空憶老龍湖海劉郎詩骨冷乾
浮餘響寄孤松

過吳門感前游

回首前游夢未心江雲漠漠樹蒼蒼客心空老鶯花月詩
貌不肥魚稻鄉白虎氣銷遺瘦石綠虹影冷卧斜陽當時
已嘆來塵底後二千年更斷腸

舟次吳興二首

詩安

釣舟遠隔菰蒲雨酒幔輕飄菡萏風彷彿層城鼉背

家簾幙水晶宮

蒼烟淡淡水濛濛
漁笛吹殘夕照紅
六客風流今已遠
空名空入酒名中

釣臺在嚴州

曾來天上宿
夢不離寒磯
宇宙雙臺迥
烟波一客歸
姓增江郡重
墓隔越山微
千古登臨意
淒涼帶夕暉

宿七里灘在嚴州四

寨落空江上
買魚開酒尊
亂山含雪意
孤艇寄楓根
灘近不成夢
鴻飛欲斷魂
何吟黃帽語
一犬吠前村

方玄英故居在廬山三十里在釣臺之東地名白雲原

艤舟鸕鷀港
白雲滿高原
借問玄英居
遺構無復存
精靈

幾百載山鬼憑幽昏
獨遺文字香
隱隱草樹根
轉盼東山麓
彷彿見柴門
啼援助悽惻
亦復銷我魂
漁父促歸撓
牛羊下前村
長揖者誰子
不識情已溫
云十有六葉
咸通之耳孫
緬思幽人後
風臨天所敷
相攜就茅屋
一笑酌瓦尊

原易

榮河通崑源
古出龍馬瑞
包犧真天人
一見測其秘
八卦已支離
重為六十四
爻象互立名
繫辭發洙泗
盡洩元氣藏
柯葉布文字
有如木生瘿
箋註漫百氏
焦龜與揲草
何能解人意
又滋天下疑
反以二物具
方寸不自靈
柄為冥漠據
弧矢啓戰爭
書契長奸偽
緬思未畫前
標枝無一粟
日月自循環
全易在天地
所以負今人
因之發長喟

蔡琰歸漢圖

文姬別胡地一騎輕南馳傷哉賢王北一騎挾二兒二兒
抱父啼問母何所之停鞭屢回首重會知無期孰云天壤
內野心無人彘九物以類偶濕化猶相隨穹廬况萬里日
暮驚沙吹惜哉辨琴智不辨華與夷縱憐形勢迫難掩節
義虧獨有思漢心駕入哀絃知一朝天使至千金贖娥眉
雨露洗腥癘陽和變恣姿出關拜漢月照妾心苦悲妾心
倘未白何以覲彤墀孤死尚首丘越鳥終南枝如何李都
尉沒齒陰山陲

用拙為金龜徐氏賦

久知拙無用飾巧以相賢而君獨用拙好古與世懸不見

百圍標漢落終天年豈其棄匠石無用用乃全孔門七十
子愚魯承禪傳冲質拙元素神工謝雕鏤續鳧而刻馬適
以成其天柝州正坐巧星星猶乞憐一墮叔文累挽海不
可前

精衛

任昉述記炎帝女溺死東海化為精衛自呼其名一海衛西山木石填東海一名誓鳥一名名陶淵明韓退之皆有詩

形微意良苦前身葬長鯨天高不可訴宿憤何時平欲填
東海深能傳西山傾山傾海乃深日夜空悲鳴情知力不
任誓將畢此生

納涼過林氏居

温州城南人其家多竹筠筠筠樓

出郭已虛曠入門轉蕭森筠筠樓無六月聊以解我襟紅日

不到地白雲時滿林坐久石根冷酒醒荷氣深飄飄黃冠
客臨流鼓瑤琴一鼓洗我耳再鼓空我心山高水復猶行
佛蓬萊音興盡拂衣去城笳吹夕陰

宴德初書樓

姓陳氏
平陽人

樓高不二尋已作百尺想中有湖海豪開襟納萬象頗延
素心人談笑落清響鄰花吹午香簷竹薦秋爽於中了行
藏此外斷俯仰西樓一笛薰天歌鐘樂華敞荒涼風雨餘山
夔自來往

李兩山侍郎仲氏儒而醫解后會稽索詩識別岫

李思衍字且
翁都陽人

我懷兩山翁風抱經濟畧曾驅部使車所至問民瘼昆陽

斗大州漁吏久竭澤三尺行風霆四知厲冰蘖公餘接寒
士促膝談禮樂以我獨閉門前茅訪林壑當途盡挾貴此
道可敦薄浮雲於我如霖雨用汝作如何歲龍蛇斯人竟
冥漠平生詩萬篇耿耿志誰託頗聞仲氏賢風骨似其伯
爾來一披霧月梁慙離索紛紛雞鷲中天矯見孤鶴陽秋
皮裏鑿太素指下脉猶有刀圭功可敵廊廟爵四百有四
病如禽應弦落真病在人心問君有何藥

王德輔邀飲新醅予與陳用賓老輒先醉座上分

韻得水字

朔風彌枯林吹寒入肌髓江湖客影孤况復懷萬里白
不持鐵何以破愁壘惟有無功鄉歲暮足可恃良朋邀我

游瓦盤列山舟軋軋鳴珠泉灑灑浮翠蟻初疑變氣候漸
覺忘我爾一觴復一觴頽然兩衰齒桓桓諸少年互爵
未已雖醉不敢譁諧談亦書史所以柴桑翁濁醪有妙理
我渴夢西冷攀條嚼水盞醒來步虛廊天空月在水

霽山先生文集卷之二

